


香山小集



香山小志敘

客歲初春余由白下至吳郡得覽靈巖光福鄧尉諸山水清華朗秀神目為怡
而以不得一登香山為憾今來觀政吳中相距密邇朝夕可至乃牽於人事此
願竟遲未能償適徐山人勁松以香山小志徵叙於余山人世居香山歷二十
寒暑而成是編其蒐討之精去取之慎片言隻字悉有本原可謂勤矣余嚮所
神往於湖山者茲則併其地之人文物質羅列目前古今靡遺則選勝尋幽又
足道哉香山廣袤不過十餘里包羅萬有代有傳人固山川靈秀所鐘然不得
山人紀述而表章之穹窿勝蹟幾何不湮沒而無聞耶抑余聞之惟土物愛厥
心臧山人是編之作於其鄉之土物稱述惟恐不至亦將使服先疇食舊德者
益謀所以愛鄉之道且將推其愛鄉之心以愛國謂僅足補郡邑志乘之闕已
哉丁巳孟春上澣榆樹王莘林叙

香山小志敘

登由鍾山樹四望東南為白馬嶺其下田塍綺錯村落萬家胥口界其左巨區繞其右天然別成區域者香山境也香山拓地不高與由鍾通脈絡縱橫十餘里川原平行邱壑無多可名者祇教場小橫山呂山周山此外長沙漁洋諸山皆近峙湖中者也余夙負謝監癖吳中山水皆生平釣遊地如靈巖鄧尉東西洞庭諸勝拱揖於香山境外者蠟屐所經鴻雪殆徧而綜計遊事實自香山發軔始憶咸豐庚申四月余方十齡侍先王父避亂山中其時身寇據蘇城四郊攻掠山民練團自衛屢卻賊衆號白頭軍八月初寇大至民兵不能禦多死難者余家僦居半載即轉徙去五十年來身世滄桑山靈久別回首後塘橋畔蔡帶里中昔之親朋蹤迹父老笑言俯仰前塵忽忽若夢會徐山人勁松出示所輯香山小志徵序於余余吳人也每慨吳都名勝志乘多闕文獻式微山人是作都若干卷分子目十四大抵依自治區畫定範圍自成著錄其糾正郡邑志

香山小志

吳序

之訛與補其佚者略者採擇既精體例亦備詔示後世洵為傳作新學肇始神州沸羹故國山川大夫能說采香湮依然耶水平廟不廢耶讀山人書徒令我發思古之幽情耳癸丑舊曆仲冬月平江遺民吳蔭培雲盦謹敘

香山小志叙

余自幼鍵戶誦讀足跡罕至郭外成童時適遭寇氛避居江北者七年返里後又常客授他邑旋以計偕入都自是燕秦贛鄂閩蜀宦游靡定獨於故鄉名勝轉付闕如每以為憾比年伏處里閤而年齒已衰益復倦懶乃承徐君勁松以香山小志見示受而讀之於其山川村落寺觀墟墓以及人文物產罔不縷析條分拾遺訂誤不啻身入其中而目為之接趾為之停誠蔚然鉅觀也慨自浩劫頻經典籍散失鄉之人或知之而不能言或言之而不能詳而文人學士侈談新學轉以鑽研故紙為迂毋怪乎文獻之日就淪替矣近方議修縣志纂輯者固難尋茲陸緒採訪者亦難得所確聞如徐君之留心掌故具有成書信足為修志者之一助然安望吾吳市鄉盡得有徐君其人哉余與徐君稔知其著作宏富且究心於聲律此特其一鱗一爪耳俗塵糅雜置諸案頭兩閱月矣亟弁數語以歸之並誌欽佩云丁巳夏六月同邑劉傳福謹序

香山小志

凡例

一郡志邑志而外有虎邱志石湖志靈巖志光福志等作惟吾香山闕焉不聞古昔事蹟概付沉淪良可慨也間有一二古蹟流傳為郡志邑志所采輯然多簡略舛訛肅先有鑒於此網羅蒐集闕者補之略者詳之訛者糾之蓋從事茲役已閱二十餘年矣倘異日有修郡志邑志者則是編亦撮壞細流之助也名曰香山小志蓋不敢頡頏古作者之林

一是編所采輯者史傳之外歷代名家詩文等集兼及稗官小說惟古來載籍浩繁未能遍覽倘博雅君子泛覽各書見有軼事遺聞確在香山區域者隨時見示則雖片言隻字珍若蛇珠曷勝翹企

一是編采輯事實書籍之外大半得於鄉閭父老所言惟是年遠代湮見聞容有不同姓字未能盡記惟祈大雅匡正補遺以臻完善

香山小志

凡例

一鄉人未解掌故而識字者尤少往往問以先疇舊德茫然不能舉一詞倘博雅君子能舉其所知或言行或節操或技能或著述足使後世聞風興起者舉而見示俾登是編以垂不朽則闡潛德發幽光豈獨湖山生色耶


一是編分山水寺觀墳墓村集橋梁等部所有碑文詩詞即載於本事之下其有漏遺者別詳古蹟部以彌其闕惟人物繁瑣既分列女釋道兩部而文人善士隱淪方技以及流寓工匠諸流則統歸人物部也若雜記部專載無可收部諸雜事以備鑒觀而災異等類即隸其中

一香山多手工美術天產品故列物產部而農桑冠其首

一香山區域雖縱橫十數里而語音有不同蓋以得山氣水氣之清濁剛柔而異也故立方言部既審其音復正其字兼引故實以證之庶令鄉人智識開通未始無小補云暫闕

一是志範圍依自治畫定之區域凡木瀆胥口光福鄞尉諸事跡概從割愛


不載



香山小志

部目

山 水 村 集 寺 觀 祠 宇 墳 墓 橋 梁 古 蹟 人 物 列 女 釋 道 雜 記 物 產 方 言 關



香山小志

部目

香山小志

山人徐肅先勁松甫輯

山

香山以吳王闔閭種香於此而得名山不甚高石齒嶙峋在蘇郡吳縣治西南四十里北連穹窿南瀕太湖與胥口之胥山對峙而氣脈相聯屬下有采香涇通木瀆之靈巖山涇直如箭故俗名箭涇山之北麓有地名上園下園者亦當日吳王藝花處

宋范成大泊香山

囊風閣雨半晴陰慘淡誰知造化心委命沈浮惟一葉計身輕重亦千金紅塵猶道不勝險白浪莫嗔如許深晚得香山堪寄纜卧聽鼙吼與龍吟

明顧聞香山懷古

吳王昔游日歌舞艷山川徑草承雕輦林花避翠鈿春風開錦隊暮雨接珍筵自愛離宮揭俄悲戰壘遷金庭成寂寞玉洞罷嬋娟麋鹿荒臺上松蘿峭

香山小志

山

壁懸恨留雙佩月愁入五湖天千載升沈地惟看牧豎眠

國朝俞樾澆曾滌生師相登香山望太湖

閒介無蹊草滿山偶隨元老此躋攀全收笠澤五湖勝遙指孤城一髮間喜共清游謝冠蓋冀分餘曜照鄉關煙波西塞山邊路安得相從便往還

國朝吳彥修避難香山冬日即事

忽臨大劫到紅羊兩手空空走匿鄉蘇郡已全遭蹂躪荆妻況復感流亡家多疾病難求藥積少錙銖嘆絕糧何日公膺掃除盡王師振旅盼堂堂
葱湯麥飯最相宜咄辨猶嗟不及時寒落故人無問信淒涼稚子慙啼飢雨淋墻壁愁懷擾風透窓櫺病骨支莫道山中乾淨土夢驚風鶴苦流離



穹窿山古名由鍾見越絕書 高宗純皇帝上真觀詩見說古由鍾是也曰穹
隆者以山之形勢言也楊泉五湖賦穹窿紆曲府志云此山峻而深形如釵股
實為吳郡之鎮故亦名穹崇陸龜蒙云太湖中穹崇山有銅闕猶言銅亦作窮
隆越絕書由鍾窮隆山者古赤松子所取赤石脂也窮穹古通隆隆之省吳地
記穹窿山東西兩嶺相趨名曰同嶺產自然銅又曰銅嶺疑兼光福之銅井而
言周時赤鬚子升僊於此左思吳都賦赤須蟬蛻而附麗李善注引神仙傳赤
鬚子豐人秦穆公主魚史也食柏實石脂齒落更生細髮復出後去之吳山府
志謂即穹窿山是穹窿在昔又稱吳山矣山頂方廣可百畝有煉丹臺昇僊臺
相傳赤松子遺蹟赤松赤鬚實是一人古稱松為蒼髯叟者見顧氏玉海又三
茅峰頭如浮笠名箬帽頂西南有僊人洞深奧不可測壺石為龕名國師龕明
姚廣孝出家時居此或云張良從赤松子處非也半山有石膝痕相傳茅固禮
斗處膝印中注水不涸名雙膝泉產石鱗如錢大又有拄杖泉大旱不竭法雨

香山小志

山

二

泉下注石堰東嶺下有盤石高廣丈許相傳漢朱買臣未遇時讀書其上名讀
書臺明都穆題記穹窿寺梁天監中建明改拈花寺旁有隱龍池藏軍洞諸勝
上真觀宋天禧年建觀後有望湖亭西為百丈泉紫藤塢亦茲山之幽勝處

元陳徵游穹窿

綠水青山今再游杜鵑花發雨初收猿聲好在千章木雲氣深藏萬丈樓
麋鹿近人來古澗麒麟無主卧荒邱吏情益媿成羈紲西望太湖煙際頭

元黃漢卿游穹窿

何處春山好物華穹窿山下古煙霞出林澗水作清語謂百丈泉上樹藤枝開紫花
藤塢久住老僧如避世初來塵客即還家一尊醉倒東風裡更覓砂鍋穀雨
茶

明吳寬穹窿

我聞吳中諺陽山高抵穹窿半壯哉拔地五千仞始羨吳中有寺觀銅坑鄧

尉作屏展天平靈巖當几案其間法華與雅宜即雅兒山古名娜水邊橫亘如長岸何人著山經宜作吳山冠但嫌地勢高山家每憂早舟行半日青已了卻被濃雲忽遮斷水迴路轉二三里依舊諸峯青歷亂人云水頂百畝平合結茅廬倚霄漢龍門勝蹟未遑游坐向船頭先飽看

按自治區域穹窿東北西三面為木瀆善人橋光福等市鄉區域香山則僅占穹窿南面之半山中古蹟難於絲分縷剖故除村集部載紫藤塢外他如古蹟部讀書臺寺觀部上真觀拈花寺等處凡不隸香山境內者俱不載

呂山有宋胡堅常墓亦名胡庵山相傳明顧文康公生壙卜吉於此工者不戒開鑿少深穴破突有金魚兩翼隨鑿飛去投湖而去故今名鯉山山勢脩衍迤邐蜿蜒西與玄墓相銜接故府志附在玄墓山條下順治二年明敗將黃蜚麾下王志剛屯據湖城長興羣小不逞揭竿應之招集流亡動盈數千總督張士

香山小志

山

三

元略定湖州兵抵呂山羣凶奔散即此山有汪汪泉西麓臨太湖綫路崎嶇沿湖繚繞下視石齒嶙峋森如戟列俗呼跌殺人灣北去不百步亂石灌木相傳巨毋霸墳不足信

國朝徐芝峰山西灣

爭看梅花鄧尉春往來捷徑太湖濱勸君牢把腳跟穩前路崎嶇險死人漢祚中興神武揚而風虎豹慄昆陽如何長狄尸橫畝葬在吾山道路旁

舟山府志作周山與呂山並附玄墓條下訛山在穹窿前去穹窿里許中隔南宮塘墳然孤起不與他山毘聯西距玄墓則有五六里之遙也山勢平圓四垂居民植桑其上鑿成層級望之如笠形然故一名箬帽墩相傳吳王練水師造舟於此西麓陶公祠南麓葉孔傳故居俗稱窰頭

國朝徐芝峰弔葉廣文南故宅

何處青山訪故居秋風瓦礫種瓜蔬大文零落誰收拾散作邛娃護繡書

漁洋山與玄墓隔湖對峙相去湖面十餘里而聖恩寺之鐘聲朝暮時聞焉有
小山圓而豐者曰鉢盂山亦曰烏鉢山與聖恩寺山門正對山瞰太湖循茲山
麓如驢旋磨而行則通漁洋鵝馬屋舍鱗比桑麻雞犬真如武陵仙源與外人
間隔府志謂峰隴幽閒遊者鮮至可想見其境矣後居民以出入不便嘉道間
別鑿一徑直達漁洋鵝曰謝家嶺而於是鉢盂山麓之舊路茅塞矣明董香光
墓即在謝家嶺之左居民多姚姓以種植果木為業相傳漢姚期後裔非也蓋
明姚廣孝之支族耳塢有曇華庵乾隆間僧寄凡隱此山頂團瓢供四面觀音
石像梁天建中造西去山坳為野貓澗高而聳者法華山有法華寺唐釋貫休
卓錫遺址今改清華寺下為法華鵝相傳有七佛寺今廢山鵝與衍喬松白鳥
時與往還頗有幽致白泥洞可作磁料又西數武為黃茅山吳王闔閭夫人鄭
旦葬此府志以法華漁洋附於玄墓又以法華鉢盂為一山蓋未身至其地而
誤於傳者之不能聚米為狀歷道其詳耳按漁洋鉢盂法華黃茅四山一氣蜿

香山小志

山

四

蜿蜒東北西三面皆太湖湖面較濶惟漁洋山下往來商舶所不過魚鳥安集於
斯故罟網師視為利藪羣趨焉漁洋之得名以此東南麓一高阜曰馬公山
離漁洋山不五十步

國朝王士禛登玄墓由米堆山下行至上陽村錢家礪望湖中漁洋法華諸
山

杖策信忘疲行行畫圖裏崎嶇下雲壑蒼茫望煙水石徑何盤紆疏籬照梅
蕊寥落重湖濱柴門數家市居人太古風但解數雞豕語我種植法敦樸有
奇理雖非舟里傳頗謂桃源比逶迤到湖滸浩渺歎觀止震澤控三江波瀾
此方始法華表東陸漁洋正相似煙雨春空濛峰巒暮傲詭昨朝梵天閣遠
眺如隱几豈知方丈山忽落芒鞋底欲乞五湖長垂釣將已矣
米堆山與柴莊嶺為玄墓之左右輔弼五雲洞在東面之山腰西麓則聖恩寺
之鐘樓在其下上陽村錢家礪居民以植梅種桂為業

教場山即吳宮教美人戰處山無定名曰唐墓曰蔣墩蓋以山跨兩村各就其村名之耳不足據惟名教場為最古或稱小娘山者教場之訛音也山土肉豐美宜果植舊有桃園實大而甘今棄為童山殊可惜也有言此山形如裸女故其胸腹也氣墩高聳其乳也兩臂一伸向蔣墩一伸向唐墓之西兩股一伸向姚社一伸向唐澗實相寺在其膝下寺後有墳起低凹者陰也所不足者首為王家礪而不足信姑附於此以供一喙山之西麓有石馬孤立榛蕪中俗呼石馬山南麓實相禪寺前去百數十武土龍橫卧名小橫山首東北有尼菴古之二妃廟神珠冠霞帔吳王寵姬即孫武教戰時所斬者也尾西南有蘇公廟神為張士誠頗著靈異廟右徐家墓山有朴樹兩株數百年物虬枝屈曲一仰一俯願盼自喜遙望如獅子欲鬪狀名雙獅樹

長沙山在太湖中與黃茅山對峙狀若壺頸風濤險惡曰黃茅壘山如鳳形峰頂松柏叢列為鳳冠有味尖而脩伸入湖心居民以候水之淺深卜年之豐歉兩面山分左右為鳳翼之舒張中則平陽東阡南陌里舍交通雞犬桑麻不啻香山小志

山

五

桃源仙境非舟楫不通往來有蘭若曰深沙寺是此山之最佳處游客罕至故志書不載

國朝吳莊長沙山

同巒起伏四峰開漫說人從魯氏來我為長沙生觸撥千秋還惜賈生才從金氏太湖備考錄入吳莊未

司徒墩太湖底之暗山金氏備考云在胥口香山嘴外數里時為舟患

香山小志

山人徐翥先勳松甫輯

水

太湖書曰震澤周禮爾雅曰具區史記曰五湖香山太湖實居五湖之一曰胥湖正義五湖者菱湖莫湖胥湖游湖貢湖吳地記胥湖在胥山西南周回五六十里太湖備考以水東灘之西北胥口之西南法華長沙山之東南鼇山之東徐侯山之北為胥湖是香山占有胥湖三四十里矣洩太湖水以灌輸香山腹地之田畝者南宮塘塘在穹窿山下貫串香山蜿蜒十里南自外塘橋起北至呂浦橋止中途西折分其湖流由郁社姚社等處以達蔣墩旱澇有備舟楫可通港汊則漁帆市巷梅社花溼唐墓諸口皆所以疏洩太湖之水以濟內地深處為南宮塘灌輸所不到者居民苟於農隙之時迭加濬導不使淤窒而沿湖蕩田復高築捍隄則香山三十圍之畝畝何在非長稔田哉太湖備考謂南宮塘在穹窿法華之間非目見之論也至謂左右皆山並無洩水河港則更非矣

香山小志

水

莫釐金玉相太湖備考之作與吾山華兩峯操舟各履游歷隨圖隨記故於太湖之山川風俗寺觀古蹟等類較他書為備詳而獨此南宮塘之形勢并錯如他是者蓋聞當日發軔之初先往香山舟泊呂浦橋遇雨未登岸眺覽即解維而東而去呂浦橋為南宮塘之後戶通太湖處前戶即外塘橋是也塘眺覽即解維而山則在太湖之北直貫全山一面南宮塘在穹窿法華之間知未棹入南宮塘而窮其境故舛錯如是而為此嚮壁虛造之說耳使當日公做美俾得履齒登臨則在昔文獻搜羅尚易何至如今日湮遠難求哉惜乎兩峯為吾鄉漁洋山手轉置梓里於不詳也

九曲港在香山下通采香涇舟藉以避太湖之風險者也港長三千八百五十餘丈不詳鑿自何時明成化五年吳縣知縣樊瑾以耆民稟稱港久淤塞而重加開濬國朝光緒十九年耆紳等又稟請吳縣知縣凌焯重濬橋梁增高而於是船之有梢棚者可過焉行人稱便

黃茅壘以在黃茅山下而得名山與長沙山對峙狀若壺頸水流風急舟人戒易遭覆溺此西太湖之最險門戶也俗稱王莽墳非古有王莽氏國在吳之太湖間徐雋生疑即此謂王莽者汪芒之訛音也應作汪芒壘為古是說也存

以待考然明史嘉靖三十四年五月倭入太湖劫洞庭兩山一鯨為團長徐木等所截自黃茅門從漫山而下向常州境去是明已稱黃茅門矣門者俗稱從登為是詩大雅鳧鷖在堂註水流峽中兩岸對出若門也

唐墓港通唐墓村而得名

虎又浜

花溼港通陳家社唐澗頭至寶相寺而止橋曰寺橋明天順年造今橋在陸兩岸已懇成桑地矣然港之形勢具在

西莊浜自東觀音堂通至蘇公廟止

漁帆港

梅社港

市巷港通至小橫山北莊為止光緒二十年里耆稟請吳縣知縣凌焯重濬沿港一帶田畝數百頃賴以灌輸

香山小志

水

二

新開河救紫藤塢一帶山田之渴者也嘉道間里人醵貲勾力擬鑿此河通南宮塘引太湖水以溉注諸田不及二百武過石而止

謝家溇在蔣墩用三重岸車取唐墓港水瀦蓄於溇以灌田同治年間滬埠通商絲價翔貴居民趨重於蠶嫌謝家溇田取水太遠盡將此田改作桑地而其溇於是廢而無所用

鴛鴦潭相傳七十二氣潭之一在謝家溇西南相距百餘武其水清冽雖小遇旱不涸蠶家汲以煮繭縑絲光潤如玉分兩亦較重與他處不同

西莊嘴石塘 國初徐籀所築迄今二百餘年坍塌殆盡光緒十年里耆馬惠祥范茂泉等額請吳縣陳志銓築今石塘自王瀆港南沙港滾水石壩計三百一丈五尺糜金錢二千二百兩有奇閱兩月工竣

香山小志

村集

山人徐肅先勁松甫輯

十五都一圖

圩天地黃宇荒洪盈

下場

十五都二圖

圩果珍李菜重芥

香山嘴 沈家涇跨四 楊坡跨三圖一 外塘橋街

十五都三圖

圩調露結金生麗水玉出崑國

漁帆郡志或吳范村均非 梅家涇 東楊坡跨二

十五都四圖

香山小志

村集

圩辰崑岡龍師火東效

沈家涇跨二 石橋頭 花墩頭跨八 鍾家園跨十六圖 上巷跨十六圖

水橋頭

十五都五圖

圩陶坐垂拱黎方志彼短德

趙家巷 李家場 蔡帶里 金家弄 後塘橋街

十五都六圖

圩臣伏戎避壹東壹

梅社 按今無梅姓相傳漢梅福為吳門平尉其後居此

十五都七圖

市巷 謝莊 東楊 馬家場

十五都八圖

圩 芥宇 重宙 薑劍
香山 花墩頭 跨四圖

十六都一圖

圩 元天 洪地 安宙 上黃 下黃
鐘家園 都跨四圖 朱家園 下陳跨二 亭子頭

十六都二圖

圩 南北 上成 荒月 吳辰 宿
下陳跨一 須澗 張家場 全家場 黃墻腳下 方家池

十六都三圖

圩 暑張 秋來 冬往 閏寒
梨帶里 東塘村 高家帶 周家場 上巷

香山小志

村集 二

十六都四圖

圩 周陽 為藏 見金 東水 傷當 日
舟山 跨九 錢家場 巷門場 跨六 上陽 西塘村

十六都五圖

圩 孝興 容初 成美 誠調 馨始
紫藤塢 顧家塘 梅園 按會稽禹廟梅梁取材於此

十六都六圖

圩 命制 皇丈
山城 跨七 石蕩頭 巷門場 跨四

十六都七圖

桑園裏 按越絕書桑里東今舍西者故吳所畜牛羊豕雞也名為牛宮今
圩 東蘭 中美 南美 君綠 量表 甚形 同尺 念
北美 北極 南極 資威 映澄 蘭如 似止